



SLUŽBENI GLASNIK GRADA VISOKO

GODINA LIII

Visoko, srijeda 31. juli 2019. godine

BROJ 02

16.

Na osnovu člana 10. tačka 4. Zakona o vodama Zeničko-dobojskog kantona («Službene novine ZE-DO kantona» broj 17/07) i člana 10. Privremene Statutarne odluke Grada Visoko («Službeni glasnik općine Visoko», broj 5/19), Gradsko vijeće Visoko, na 2. sjednici, održanoj 26.07.2019.godine, donijelo je

ODLUKU

o izgradnji, upravljanju, korištenju, zaštiti i održavanju mjesnih vodovoda na području Grada Visoko

I - OSNOVNA NAČELA I DEFINICIJE

Član 1.

Vode su opće dobro i kao takve su pod posebnom zaštitom općine/grada, kantona, federacije i države Bosne i Hercegovine.

Član 2.

Izrazi upotrebljeni u ovoj Odluci imaju slijedeća značenja:

1. „**javno vodosnabdijevanje**“ označava poslove zahvatanja podzemnih ili površinskih voda za snabdijevanje vodom stanovništva, njihovo pročišćavanje do stepena zdravstvene ispravnosti i dovođenja do mjesta potrošnje i raspodjele korisnicima voda, ako je ukupna zahvaćena količina veća od 10 m³ na dan,

2. „**voda za piće**“ označava vodu namijenjenu za ljudsku upotrebu koja po kvalitetu odgovara posebnim propisima koje donosi ministarstvo nadležno za pitanja zdravstva,

3. „**urbano područje**“ jedno ili više naselja koja predstavljaju prostornu urbanu cjelinu ili prostorno funkcionalno međusobno povezanu cjelinu utvrđenu Prostornim planom Federacije, kantona, grada i općine, prema propisima o prostornom planiranju,

4. „**izvorište**“ označava uži prostor gdje se iz vodnog tijela podzemnih voda ili iz vodnog tijela površinskih voda zahvata ili se planira zahvatati voda za ljudsku upotrebu,

5. „**vodozahvatno područje**“ označava uži, ograđeni prostor oko vodozahvatnog objekta koji pored vodozahvata obuhvata eventualno i postrojenje za pročišćavanje, rezervoar, pumpnu stanicu, administrativne i pogonske objekte, kao i druge infrastrukturne objekte koji se koriste u svrhu obezbjeđenja javnog vodosnabdijevanja,

6. „**zona sanitarne zaštite izvorišta**“ označava jasno definirani podzemni i površinski dio sliva izvorišta na kojem se ograničava i kontroliše način provedbe određenih ljudskih aktivnosti koje mogu da izazovu promjenu izdašnosti izvorišta ili pogoršanje kakvoće vode u odnosu na

kakvoću koja je definirana u propisima o zdravstvenoj ispravnosti vode za piće i o prirodnim mineralnim i prirodnim izvorskim vodama,

7. „**Građevinski odbor**“ predstavlja upravno tijelo ispred korisnika mjesnog vodovoda, koje se bira na zboru korisnika i vrši sve propisane radnje, te mu mandat završava sa izgradnjom vodovoda,

8. „**Vodni odbor / Odbor za vodovod / Vodovodni odbor**“ predstavlja upravljačko tijelo ispred korisnika vodovoda, koje se bira na zboru korisnika nakon izgradnje mjesnog vodovoda, te preuzima sve obaveze i prava Građevinskog odbora,

9. „**bunar**“ je vodoopskrbni objekat u vidu iskopane duboke i podgrađene jame u kojoj se hvata ili skuplja podzemna voda,

10. „**javna česma**“ je vodoopskrbni objekat u vidu kaptiranog izvora uređenog tako da voda u mlazu slobodno pada i iz kojeg se voda koristi za javnu upotrebu.

II – OPĆE ODREDBE

Član 3.

Ovom Odlukom utvrđuje se način izgradnje mjesnih vodovoda, bunara i javnih česmi, njihovo upravljanje i korištenje, zaštita i održavanje na području Grada Visoko.

Član 4.

Vodni objekti koji služe za snabdijevanje vodom za piće naselja izvan gradskog sjedišta, a nisu dio sistema gradskog vodovoda su mjesni vodovodi, javne česme i bunari.

Svakom je dozvoljeno koristiti vodu običnim načinom koji ne zahtjeva posebne naprave i ne isključuje druge od jednakog korištenja vode (opća upotreba vode).

Opća upotreba vode obuhvata naročito:

- zahvatanje vode bez posebnih naprava iz vodotoka i jezera za osnovne potrebe jednog domaćinstva,

- zahvatanje podzemne vode (bunar na vlastitom zemljištu) ili vode s izvora na vlastitom zemljištu, koja se koriste za osnovne potrebe jednog domaćinstva,

- prikupljanje i korištenje oborinskih voda za osnovne potrebe jednog domaćinstva, koje se skupljaju na vlastitom zemljištu,

- rekreaciju na vodama.

Osnovnim potrebama domaćinstva smatra se korištenje vode za piće, održavanje čistoće i slične potrebe u domaćinstvu. Takvim korištenjem ne smatra se korištenje vode za navodnjavanje, te korištenje vode u tehnološkom procesu pri obavljanju privredne djelatnosti.

Za svako korištenje vode koje prelazi obim opće upotrebe potrebna je vodna dozvola u skladu sa Zakonom o vodama Zeničko-dobojskog kantona („Službene novine Zeničko-dobojskog kantona“, broj: 17/07).

Član 5.

Izvorišta voda koja se zahvataju radi snabdijevanja vodom za piće stanovništva putem mjesnih vodovoda moraju imati dovoljne količine zdravstveno ispravne vode za piće, kako bi se u svako doba godine moglo obezbijediti neprekidno snabdijevanje stanovništva vodom.

Izuzetno nadležni organ će investitoru izdati potrebne vodne saglasnosti i kad izvorišta nemaju dovoljne količine vode, ukoliko on na drugi način ne može riješiti snabdijevanje vodom.

Kaptaža i rezervoari, koji su u smislu ovog zakona sastavni dio mjesnog vodovoda a koji služe za prihvatanje i akumuliranje vode za piće, moraju imati propisne izolacije i ostale potrebne uređaje. Kapacitet rezervoara mjesnog vodovoda treba da obezbijedi dovoljnu količinu vode za dnevnu potrošnju korisnika i rezervu za gašenje požara.

Mjesni vodovod mora imati ugrađen i propisno baždaren uređaj za mjerenje količine iskorištene vode na odvodu iz rezervoara a ako ima više odvoda iz rezervoara na svakom odvodu.

Korisnici lokalnih vodovoda moraju imati ugrađene i propisno baždarene mjerne uređaje (vodomjere) za nekretnine priključene na lokalni vodni objekat.

Kaptaže i rezervoari moraju biti ograđeni i zaštićeni od neovlaštenog pristupa.

III – IZGRADNJA MJESNIH VODOVODA I JAVNIH ČESMI

Član 6.

Investitor za izgradnju mjesnog vodovoda i javne česme može biti mjesna zajednica, grupa građana, građanin ili kao donator općina/grad, kanton, federacija, privredni subjekti i međunarodne organizacije.

Izgradnja mjesnog vodovoda i javne česme vrši se na osnovu izdate urbanističke saglasnosti odnosno odobrenja za građenje po propisima o prostornom uređenju i

građenju, uz prethodno pribavljene vodne akte u skladu sa odredbama Zakona o vodama Zeničko-dobojskog kantona („Službene novine Zeničko-dobojskog kantona“, broj: 17/07, u daljem tekstu: Zakon o vodama ZDK).

Odluku o izgradnji javne česme donosi mjesna zajednica. Ako je investitor grupa građana ili građanin izgradnja javne česme se vrši uz saglasnost mjesne zajednice.

Član 7.

Izgradnja i rekonstrukcija mjesnog vodovoda i javne česme vrši se na način i pod uslovima određenim u izdatoj vodnoj saglasnosti.

Član 8.

Ukoliko je investitor grupa građana, dužni su putem organa mjesne zajednice izabrati Građevinski odbor od najmanje tri člana.

Dužnosti građevinskog odbora su:

- pribavljanje svih zakonom propisanih akata potrebnih za izgradnju,
- otvaranje transakcijskog računa / podračuna MZ-a za ovu namjenu,
- organizovanje i potpisivanje „Ugovora o zajedničkoj izgradnji, korištenju i upravljanju vodoopskrbnim objektom“, koji u ime domaćinstva – korisnika potpisuje nosilac domaćinstva,
- potpisivanje ugovora sa izvođačima radova,
- vođenje evidencije o: učešću u izgradnji svakog pojedinca, prikupljenim ili utrošenim novčanim sredstvima i drugim podacima bitnim za izgradnju i kasnije korištenje objekata,

- da nakon završetka radova podnese pismeni izvještaj Savjetu mjesne zajednice.

Građevinski odbor ima pravo na dogovor sa korisnicima vodovoda oko naknade za rad u Odboru koji se bliže reguliše kroz Ugovor o zajedničkoj izgradnji, korištenju i upravljanju vodoopskrbnim objektom“ ili aneksom ugovora.

IV – UPRAVLJANJE, KORIŠTENJE I ODRŽAVANJE, MJESNIH VODOVODA I JAVNIH ČESMI

Član 9.

Nakon završetka izgradnje vodovoda ukoliko do donošenja ove Odluke ne postoji Građevinski odbor i nije organizovano potpisivanje „Ugovora o zajedničkoj izgradnji, korištenju i upravljanju vodoopskrbnim objektom“, predsjednik Savjeta mjesne zajednice saziva zbor korisnika vodovoda te isti biraju predsjednika, članove i blagajnika vodnog odbora - odbora za vodovod.

Predsjednik evidentira, sačinjava zapisnik te isti dostavlja nadležnoj gradskoj službi uz zahtjev za izdavanje vodne dozvole. Zapisnik mora sadržavati broj i datum protokola mjesne zajednice, spisak i potpise prisutnih predstavnika korisnika mjesnog vodovoda, kao i potpis i pečat predsjednika Savjeta mjesne zajednice.

Ukoliko je investitor izgradnje mjesnog vodovoda grupa građana zahtjev za izdavanje vodnih akata nadležnoj gradskoj službi podnosi predsjednik vodnog odbora.

Član 10.

Ukoliko se utvrdi nepravilnost rada predsjednika i članova vodnog odbora, korisnici mogu poslati zahtjev za smjenu predsjednika vodnog odbora Savjetu MZ. Za smjenu predsjednika i članova vodnog odbora potrebno je uz pismeni zahtjev dostaviti i spisak sa potpisima većine korisnika vodovoda.

Ukoliko se utvrdi nepravilnost predsjednik Savjeta mjesne zajednice uz postojećeg predsjednika vodnog odbora saziva zbor korisnika sa istom procedurom kao i kod prvobitnog izbora predsjednika i članova vodnog odbora, samo što se u zapisnik sa sjednice uvodi tačka u kojoj se navodi da se primopredaja dokumentacije vodovoda između starog i novoizabranog predsjednika i članova vodnog odbora mora izvršiti u roku od 7 dana, i o istom je potrebno sačiniti zapisnik o primopredaji.

Član 11.

Građevinski odbor nakon izgradnje mjesnog vodovoda prelazi u vodni odbor - odbor za vodovod, ukoliko to nije urađeno do donošenja ove Odluke.

U slučaju da do donošenja ove Odluke ne postoji vodni odbor - odbor za vodovod, a vodovod je izgrađen, predsjednik Savjeta mjesne zajednice je dužan da u roku od 6 mjeseci preduzme aktivnosti na uspostavi istog.

Za vodovode koji su izgrađeni bez dokumentacije, provodi se ista procedura odabira vodnih odbora koji su u roku od šest mjeseci dužni podnijeti zahtjev za izdavanje vodne dozvole i zahtjev za legalizaciju objekta.

Član 12.

Ukoliko korisnik vodovoda ne želi potpisati „Ugovor o zajedničkoj izgradnji, korištenju, upravljanju i zaštiti vodovoda“, smatra se da je odustao od prava na vodovod, a vodni odbor protiv istog podnosi tužbu nadležnom sudu.

Član 13.

Dužnosti vodnog odbora - odbora za vodovod su:

- preuzima prava i obaveze od građevinskog odbora,
- pribavlja sve dozvole i saglasnosti propisane zakonima koji uređuju tu oblast,
- vodi evidenciju o: prikupljenim ili utrošenim novčanim sredstvima i drugim podacima bitnim za rekonstrukciju i sanaciju vodovoda i korištenje objekata,
- saziva zbor korisnika uz prisustvo predsjednika Savjeta mjesne zajednice ili zamjenika vezano za sva bitna pitanja finansiranja, održavanja, sanacije i rekonstrukcije vodovoda,
- dva puta godišnje podnosi pismeni izvještaj Savjetu mjesne zajednice i nadležnoj gradskoj službi
- provodi obaveze iz „Ugovora o zajedničkoj izgradnji, korištenju i upravljanju vodoopskrbnim objektom“,

Vodni odbor ima pravo na dogovor sa korisnicima vodovoda oko naknade za rad u Odboru koji se bliže reguliše kroz Ugovor o zajedničkoj izgradnji, korištenju, upravljanju i zaštiti vodovoda “ ili aneksom ugovora.

Član 14.

Po izvršenoj izgradnji ili rekonstrukciji mjesnog vodovoda, a prije izdavanja odobrenja za upotrebu po propisima o prostornom uređenju i građenju pribavlja se vodna dozvola.

Uz zahtjev za izdavanje vodne dozvole za mjesni vodovod za koji su investitori grupa građana, podnosi se i pismeni ugovor o održavanju i korištenju mjesnog vodovoda i regulisanju svih pitanja od značaja za mjesni vodovod, koji potpisuju svi investitori-korisnici tog objekta, a koji se ovjerava na sudu, u nadležnoj gradskoj službi ili kod notara.

Vodni objekti koji su izgrađeni bez odobrenja za građenje i vodnih akata mogu se koristiti uz izdatu vodnu dozvolu.

Za objekte iz prethodnog stava vodni odbor podnosi zahtjev organu nadležnom za poslove vodoprivrede u roku od šest mjeseci.

Uz zahtjev za izdavanje vodne dozvole podnosi se spisak korisnika vodovoda i pismeni ugovor o održavanju i korištenju mjesnog vodovoda i regulisanju svih pitanja od značaja za mjesni vodovod, koji potpisuju svi investitori-korisnici tog objekta, a koji se ovjerava na sudu, u nadležnoj gradskoj službi ili kod notara.

Vodna dozvola za navedene objekte izdaje se na period od najviše jedne godine uz uslov da se u navedenom periodu izvrši legalizacija izgrađenog objekta.

Član 15.

Upravljanje javnim česmama je u nadležnosti mjesne zajednice, osim u slučaju izgradnje javne česme od strane pojedinca ili grupa građana.

Prenošenje nadležnosti za upravljanjem javnom česmom na mjesnu zajednicu se može izvršiti uz saglasnost mjesne zajednice i investitora.

Član 16.

Licima koja nisu učestvovala u izgradnji mjesnog vodovoda, može se odobriti priključak na mjesni vodovod na osnovu vodne saglasnosti koju izdaje gradska služba nadležna za izdavanje vodnih akata za vodovode kojim upravlja mjesna zajednica ili grupa građana.

Vodna saglasnost za priključak na izgrađeni vodovod se odobrava samo za vodne objekte koji imaju izdatu vodnu dozvolu.

Vodna saglasnost se izdaje uz pribavljeno mišljenje:

- mjesne zajednice o mogućnostima najekonomičnijeg rješavanja vodosnabdijevanja podnosioca zahtjeva,
- mišljenja komunalnog preduzeća o mogućnosti priključka na postojeći profil cijevi.

Vodnom saglasnošću odobrit će se priključak na mjesni vodovod s obzirom na količinu vode za piće, ako može da zadovolji i potrebe interesanata i ako se njihovo snabdijevanje vodom za piće ne može izvršiti na drugi (ekonomičan i racionalan) način.

Član 17.

Lice kome je vodnom saglasnošću odobreno priključenje na mjesni vodovod dužno je prije priključenja, odnosno korištenja vode, putem ugovora sa vlasnicima mjesnog vodovoda, regulisati plaćanje srazmjernog dijela troškova izgradnje mjesnog vodovoda i srazmjernog dijela troškova održavanja i iskorištavanja mjesnog vodovoda.

Lice kojem je vodnom saglasnošću odobreno priključenje na mjesni vodovod, treba da plati srazmjerni dio troškova u smislu stava 1. ovog člana i ne može biti veći od iznosa učešća svakog pojedinog investitora u izgradnji ili rekonstrukciji mjesnog vodovoda, kao i u troškovima održavanja i iskorištavanja tog objekta.

Ako lice kojem je vodnom saglasnošću odobreno priključenje na mjesni vodovod ne zaključi ugovor sa vlasnicima mjesnog vodovoda, o troškovima priključenja na mjesni vodovod, odnosno korištenja vode nastali međusobni spor rješava nadležni sud.

Član 18.

Ako se rekonstrukcija vodovoda vrši u cilju povećanja količine vode troškove rekonstrukcije snose svi korisnici vodovoda, a novi korisnici snose dio troškova izgradnje i rekonstrukcije vodovoda.

Ukoliko je dovoljan kapacitet izvorišta, a profil cijevi ne dozvoljava mogućnost novih priključaka, tada se finansiranje izmjene postojećeg profila vrši po Odluci zbora korisnika iz prikupljenih sredstava održavanja.

Član 19.

Korisnici vodovoda koji upravljaju mjesnim vodovodom odnosno vodni odbor - odbor za vodovod dužni su da trajno obezbjeđuju potrebna finansijska sredstva i druge uslove za održavanje i funkcionisanje tih objekata u skladu sa njihovom prirodom i namjenom.

Član 20.

Sredstva prikupljena za potrošnju i održavanje vodovoda su namjenska i mogu se trošiti isključivo Odlukom Savjeta MZ-e, a na prijedlog vodnog odbora.

Ukoliko Savjet MZ-e utvrdi da su namjenska sredstva od strane vodnog odbora utrošena u druge namjene, pokrenuti će postupak kod nadležnog suda protiv odgovornih lica.

Član 21.

Cijena korištenja vode, održavanje objekta i druge troškove neophodne za rad i funkcionisanje objekta u skladu sa prirodom njegove namjene kao i način prikupljanja sredstava po prijedlogu korisnika, utvrđuje svojom odlukom Savjet mjesne zajednice za svaki objekat pojedinačno, a odobrava nadležna gradska služba.

Cijena vode mora osigurati pokrivanje nužnih troškova održavanja i troškove amortizacije. Po zahtjevu korisnika troškove amortizacije utvrđuje komunalno preduzeće uz naknadu.

Član 22.

Naplatu sredstava za korištenje i održavanje mjesnog vodovoda vrši ovlašteno lice (blagajnik) uz izdavanje priznanice koja je potpisana i ovjerena pečatom predsjednika

Savjeta mjesne zajednice. Prikupljena sredstva se uplaćuju na transakcijski račun/podračun mjesne zajednice do 15-og tekućeg mjeseca, jednom/više puta mjesečno u skladu sa prilivom sredstava.

Izvještaj o prikupljenim sredstvima sa izvodom iz banke i izvještaj uz dokaz o utrošenim sredstvima, ovlašteno lice blagajnik podnosi kvartalno korisnicima, a mjesnoj zajednici dva puta u toku godine (do 30.06. i 31.12.) i jednom godišnje nadležnoj gradskoj službi.

Član 23.

Ukoliko korisnik ne izvršava obaveze plaćanja i održavanja mjesnog vodovoda, vodni odbor podnosi zahtjev za pokretanje postupka kod nadležnog suda.

Član 24.

Svi mjesni vodovodi se uz saglasnost većine korisnika i komunalnog preduzeća mogu predati na upravljanje komunalnom preduzeću.

Cijena vode isporučene iz mjesnog vodovoda ne može biti određena ispod cijene koja osigurava pokrivanje nužnih troškova za održavanje i funkcionisanje objekata mjesnog vodovoda i troškova amortizacije.

Cijenu vode vodovoda koji su predati na upravljanje komunalnom preduzeću predlaže komunalno preduzeće, a usvaja Gradsko vijeće Visoko.

Član 25.

Ako su za rekonstrukciju ili izgradnju vodovoda obezbijedena sredstva u iznosu većem od od $\frac{1}{2}$ vrijednosti izgradnje/rekonstrukcije iz Općine/Grada,

Kantona, Federacije i drugih institucija uz saglasnost korisnika, vodovod se predaje na upravljanje preduzeću registrovanom za komunalnu djelatnost, a o naknadnim priključcima odlučuje komunalno preduzeće na osnovu kapaciteta izvorišta.

Uložena vlastita sredstva korisnika, komunalno preduzeće će kompenzirati isporukom vode bez naplate za period koji će pokrivati troškove vlastitih ulaganja građana ili načinom koji će biti definisan sporazumom između komunalnog preduzeća i korisnika koji je uložio vlastita sredstva.

Prioritete u korištenju sredstava za rekonstrukciju i izgradnju vodovoda iz svih izvora finansiranja imaju korisnici, koji:

- vrše redovne uplate održavanja vodovoda i o istom dostavljaju Izvještaj nadležnoj službi,
- saglasni su da rekonstruisani ili novoizgrađeni vodovod daju na upravljanje komunalnom preduzeću,
- imaju dugogodišnji problem u vodosnabdijevanju.

Navedene uslove utvrđuje nadležna gradska Komisija koju imenuje gradonačelnik/ca.

Za apliciranje projekata za sufinansiranje izgradnje i rekonstrukcije vodovoda prema većim nivoima i drugim izvorima finansiranja mjesne zajednice su dužne pribaviti saglasnost Komisije iz stava 3. ovog člana.

Član 26.

Voda se mora koristiti racionalno i ekonomično. Svaki korisnik vode je dužan koristiti vodu na način i u obimu kojim se

voda čuva od rasipanja i štetnih promjena njenih osobina i omogućuje zakonsko pravo korištenja vode drugim licima.

U periodu hidrološkog minimuma (sušni period) za mjesne vodovode koji nemaju dovoljnu količinu vode upravitelj - vodni odbor donosi Odluku o uvođenju redukcije vode.

Član 27.

Svi korisnici vodovoda moraju imati ugrađene i baždarene vodomjere.

U periodu hidrološkog minimuma (sušni period) koji može nastati u različitim periodima godine u naseljima sa smanjenom količinom vode, zabranjena je upotreba vode iz mjesnog vodovoda i javne česme za sve druge potrebe osim za piće i sanitarne potrebe.

U periodu ekstremne suše dnevnu potrošnju vode utvrđuje svojom odlukom vodni odbor.

Protiv korisnika koji se ne pridržavaju Odluke o redukciji vode, na prijedlog zbora korisnika, vodni odbor pokreće postupak kod nadležnog suda.

V - ZAŠTITA VODE MJESNOG VODOVODA I JAVNIH ČESMI

Član 28.

Zaštita izvorišta mjesnih vodovoda vrši se uspostavljanjem i održavanjem zona sanitarne zaštite u skladu sa odredbama Zakona o vodama („Službene novine Zeničko-dobojskog kantona“, broj: 17/07) kao i Pravilnika o načinu utvrđivanja uslova

za određivanje zona sanitarne zaštite i zaštitnih mjera za izvorišta za javno vodosnabdijevanje („Službene novine Federacije BiH“, broj: 88/12 kojim je detaljnije regulisana i uređena ova oblast.

Član 29.

Do donošenja Odluke za zaštitu izvorišta po odredbama Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta za javno vodosnabdijevanje („Službene novine Federacije BiH“, broj: 88/12, u daljem tekstu: Pravilnik) uspostavlja se privremena zaštita svih izvorišta u radijusu od 50 metara od postojećeg vodozahvata.

U radijusu od 50 metara zabranjene su sve aktivnosti propisane Pravilnikom koji uređuje ovu oblast a odnose se na prvu zaštitnu zonu prema Pravilniku.

Objekti koji pored vodozahvata imaju izgrađene i rezervoare (vodozahvatno područje) potrebno je zaštititi postavljanjem propisne ograde u prečniku od 10 metara, minimalne visine 2 metra.

Prečnik postavljanja ograde se može u izuzetnim slučajevima (nepristupačnosti terena) smanjiti uz saglasnost nadležne gradske službe.

Finansiranje uspostave privremene zaštitne zone preuzimaju korisnici vodovoda tj. upravitelj (vodni odbor - odbor za vodovod).

Upravitelj je dužan da u roku od šest mjeseci izvrši ograđivanje izvorišta i rezervoara, te zaštititi sve vodne objekte od neovlaštenog pristupa.

Član 30.

Kontrolu zaštite izvorišta vrši sanitarni inspektor.

Ukoliko sanitarni inspektor utvrdi da nije postupljeno u skladu sa članom 29. ove Odluke rješenjem će naložiti preduzimanje potrebnih mjera.

Ako vodni odbor/upravitelj ne postupi po rješenju sanitarnog inspektora, protiv istog će biti pokrenut prekršajni postupak kojim će se izreći kaznena mjera.

Član 31.

Zabranjeno je neovlaštenim licima otvaranje i zatvaranje armatura, instalacija i hidranata i ostalih uređaja mjesnih vodovoda, javnih česmi izuzev u slučajevima kada je to nužno u cilju sprečavanja šteta većih razmjera.

Protiv lica koja učine bilo koju radnju suprotno stavu 1. ovog člana vodni odbor podnosi zahtjev za provođenje inspeksijskog nadzora. Komunalni inspektor će licu koje je počinilo neku od radnji iz stava 1. ovog člana rješenjem naložiti vraćanje u prvobitno stanje. Ukoliko subjekt nadzora ne postupi po rješenju komunalnog inspektora rješenje će se izvršiti prinudno putem komunalnog preduzeća na teret počinioca, a istom će se izreći kaznena mjera putem prekršajnog naloga.

Član 32.

Vodni odbor je dužan da u roku od šest mjeseci u objekte rezervoara ugradi hlorinator, sklopi Ugovor o hlorinaciji sa

pravnim licima registrovanim za obavljanje navedene djelatnosti.

Vodni odbor vodi evidenciju o izvršenim analizama vode i izvršenoj hlorinaciji ovisno o rezultatima kvaliteta vode.

U slučaju da voda nije zdravstveno ispravna vodni odbor angažuje preduzeće registrovano za navedene djelatnosti da izvrši hlorinaciju vode i organizuje kontrolni pregled vode.

Nadzor zdravstvene ispravnosti vode vrši sanitarni inspektor.

Član 33.

Pregled zdravstvene ispravnosti vode za piće vodni odbor/upravitelj dužan je vršiti u skladu sa Pravilnikom o zdravstvenoj ispravnosti vode za piće (Službeni glasnik BiH broj:; 40/10, 43/10, 30/12). U slučaju elementarnih nepogoda (obilne padavine, dugotrajna suša) obavezno se vrši vanredna kontrola.

Izvještaj o rezultatima analize vode vodni odbor dostavlja Savjetu mjesne zajednice, a Savjet iste dostavlja nadležnoj gradskoj službi.

VI- NADZOR

Član 34.

Inspeksijski nadzor nad provođenjem ove Odluke, u skladu sa članom 129. Zakona o vodama ZDK vrši nadležna gradska inspekcija.

VII – KAZNENE ODREDBE

Član 35.

Novčanom kaznom u iznosu od 100,00 KM do 500,00 KM kaznit će se fizičko lice, u

iznosu od 300,00 KM do 800,00 KM kaznit će se članovi građevinskog odbora/članovi vodnog odbora, u iznosu od 1.000,00 KM do 3.000,00 KM pravno lice, te odgovorno lice u pravnom licu u iznosu od 300,00 KM do 500,00 KM za prekršaj ako:

Ne postupa, postupa suprotno ili se ne pridržava odredbi člana 7, 14, 16.

Član 36.

Novčanom kaznom u iznosu od 200,00 KM do 600,00 KM kaznit će se fizičko lice, u iznosu od 500,00 KM do 1.000,00 KM kaznit će se članovi građevinskog/vodnog odbora, u iznosu od 2.000,00 KM do 5.000,00 KM pravno lice, te odgovorno lice u pravnom licu u iznosu od 500,00 KM do 1.000,00 KM za prekršaj ako:

Ne postupa, postupa suprotno ili se ne pridržava odredbi člana 6, 9, 11.

Član 37.

Novčanom kaznom u iznosu od 300,00 KM do 1.000,00 KM kaznit će se fizičko lice, u iznosu od 800,00 KM do 1.500,00 KM kaznit će se članovi građevinskog / vodnog odbora, u iznosu od 3.000,00 KM do 8.000,00 KM pravno lice, te odgovorno lice u pravnom licu u iznosu od 800,00 KM do 1.500,00 KM za prekršaj ako:

Ne postupa, postupa suprotno ili se ne pridržava odredbi člana 29, 30, 31, 32, 33.

VII – PRIJELAZNE I ZAVRŠNE ODREDBE

Član 38.

Danom stupanja na snagu ove Odluke prestaje primjena Odluke o izgradnji, upravljanju, korištenju, zaštiti i održavanju

mjesnih vodovoda („Službeni glasnik Općine Visoko“, broj: 6/13).

Član 39.

Ova Odluka stupa na snagu osmog dana od dana objavljivanja u „Službenom glasniku Grada Visoko“.

Broj: 01/1-02-45/19
Datum: 26.07.2019.
Visoko

PREDSJEDAVAJUĆI
Gradskog vijeća Visoko
Bajro Fejzić, prof, s.r

17.

Na osnovu člana 10. stav 1. tačka 14. Privremene statutarne odluke Grada Visoko („Službeni glasnik općine Visoko“, broj: 05/19) i člana 14. Odluke o javnim priznanjima općine Visoko („Službeni glasnik općine Visoko“, broj: 04/06 i 01/10) Gradsko vijeće Visoko, na 2. sjednici, održanoj 26.07.2019. godine, donijelo je

O D L U K U

o dodjeli javnog priznanja Povelja Grada Visoko za 2019. godinu

Član 1.

Ovom odlukom Gradsko vijeće Visoko dodjeljuje javno priznanje Povelja Grada Visoko u povodu 29. augusta Dana Grada Visoko.

Član 2.

Povelja Grada Visoko u 2019. godini dodjeljuje se FERIDU PROVALIĆU, majoru, Armije RBiH, dobitniku najvećeg ratnog priznanja „Zlatni ljiljan“, za postignute rezultate i značajan doprinos u organizovanju otpora agresiji na Bosnu i Hercegovinu, odbrani Grada Visoko, te afirmaciji Grada Visoko.

Član 3.

Uz priznanje dodjeljuje se i novčani iznos od 1.000,00 KM (slovima: hiljadu konvertibilnih maraka).

Član 4.

Povelja Grada Visoko uručit će se dobitniku na svečanoj sjednici Gradskog vijeća Visoko povodom obilježavanja Dana Grada Visoko, 29. augusta 2019. godine.

Član 5.

Ova odluka stupa na snagu danom objavljivanja u „Službenom glasniku Grada Visoko“.

Broj: 01/1-02-46/19
Datum: 26.07.2019.
Visoko

PREDSJEDAVAJUĆI
Gradskog vijeća Visoko
Bajro Fejzić, prof, s.r

18.

Na osnovu člana 10. stav 1. tačka 14. Privremene statutarne odluke Grada Visoko („Službeni glasnik općine Visoko“, broj: 05/19) i člana 14. Odluke o javnim priznanjima općine Visoko („Službeni glasnik općine Visoko“, broj: 04/06 i 01/10) Gradsko vijeće Visoko, na 2. sjednici, održanoj 26.07.2019. godine, donijelo je

O D L U K U

o dodjeli javnog priznanja Povelja Grada Visoko za 2019. godinu

Član 1.

Ovom odlukom Gradsko vijeće Visoko dodjeljuje javno priznanje Povelja Grada Visoko u povodu 29. augusta Dana Grada Visoko.

Član 2.

Povelja Grada Visoko u 2019. godini dodjeljuje se RUKOMETNOM KLUBU „BOSNA“ VISOKO, za veliki doprinos i predanost razvoju rukometnog sporta, domaće i međunarodno predstavljanje i afirmaciju Grada Visoko.

Član 3.

Uz priznanje dodjeljuje se i novčani iznos od 2.000,00 KM (slovima: dvije hiljade konvertibilnih maraka).

Član 4.

Povelja Grada Visoko uručit će se dobitniku na svečanoj sjednici Gradskog vijeća Visoko povodom obilježavanja Dana Grada Visoko, 29. augusta 2019. godine.

Član 5.

Ova odluka stupa na snagu danom objavljivanja u „Službenom glasniku Grada Visoko“.

Broj: 01/1-02-47/19
Datum: 26.07.2019.
Visoko

PREDSJEDAVALAČ
Gradskog vijeća Visoko
Bajro Fejzić, prof, s.r

19.

Na osnovu člana 10. stav 1. tačka 14. Privremene statutarne odluke Grada Visoko („Službeni glasnik općine Visoko“, broj: 05/19) i člana 14. Odluke o javnim priznanjima općine Visoko („Službeni glasnik općine Visoko“, broj: 04/06 i 01/10) Gradsko vijeće Visoko, na 2. sjednici održanoj 26.07.2019. godine, donijelo je

O D L U K U

o dodjeli javnog priznanja Povelja Grada Visoko za životno djelo za 2019. godinu

Član 1.

Ovom odlukom Gradsko vijeće Visoko dodjeljuje javno priznanje Povelja Grada Visoko za životno djelo u povodu 29. augusta Dana Grada Visoko.

Član 2.

Povelja Grada Visoko za životno djelo u 2019. godini dodjeljuje se MULI HODŽIĆU (posthumno), za postignute rezultate i značajan doprinos u razvoju kožarstva, privredni razvoj, te afirmaciji Grada Visoko.

Član 3.

Uz priznanje dodjeljuje se i novčani iznos od 2.000,00 KM (slovima: dvije hiljade konvertibilnih maraka).

Član 4.

Povelja Grada Visoko za životno djelo uručit će se na svečanoj sjednici Gradskog vijeća Visoko povodom obilježavanja Dana Grada Visoko, 29. augusta 2019. godine.

Član 5.

Ova odluka stupa na snagu danom objavljivanja u „Službenom glasniku Grada Visoko“.

Broj: 01/1-02-48/19
Datum: 26.07.2019.
Visoko

PREDSJEDAVALAČ
Gradskog vijeća Visoko
Bajro Fejzić, prof, s.r

20.

Na osnovu člana 10. stav 1. tačka 14. Privremene statutarne odluke Grada Visoko („Službeni glasnik općine Visoko“, broj: 05/19) i člana 14. Odluke o javnim priznanjima općine Visoko («Službeni glasnik općine Visoko», broj: 4/06 i 1/10)

Gradsko vijeće Visoko, na 2. sjednici održanoj 26.07.2019. godine, donijelo je

O D L U K U

o dodjeli javnog priznanja Povelja Grada Visoko za životno djelo za 2019. godinu

Član 1.

Ovom odlukom Gradsko vijeće Visoko dodjeljuje javno priznanje Povelja Grada Visoko za životno djelo u povodu 29. augusta Dana Grada Visoko.

Član 2.

Povelja Grada Visoko za životno djelo u 2019. godini dodjeljuje se HAZIMU IMAMOVIĆU (posthumno), za postignute rezultate i značajan doprinos u razvoju trgovine i prehrambene industrije, privredni razvoj, te afirmaciji Grada Visoko.

Član 3.

Uz priznanje dodjeljuje se i novčani iznos od 2.000,00 KM (slovima: dvije hiljade konvertibilnih maraka).

Član 4.

Povelja Grada Visoko za životno djelo uručit će se na svečanoj sjednici Gradskog vijeća Visoko povodom obilježavanja Dana Grada Visoko, 29. augusta 2019. godine.

Član 5.

Ova odluka stupa na snagu danom objavljivanja u „Službenom glasniku Grada Visoko“.

Broj: 01/1-02-49/19
Datum:26.07.2019.
Visoko

PREDSJEDAVAJUĆI
Gradskog vijeća Visoko
Bajro Fejzić, prof, s.r

21.

Na osnovu člana 10. Privremene statutarne odluke Grada Visoko („Službeni glasnik općine Visoko“, broj: 05/19) i člana 26. Poslovnika Općinskog vijeća Visoko („Službeni glasnik Općine Visoko“, broj: 07/08, 06/11 i 02/14), Gradsko vijeće Visoko, na 2. sjednici održanoj 26.07.2019. godine, donijelo je

O D L U K U

o izmjenama Odluke o obrazovanju Kolegija Općinskog vijeća Visoko saziva 2016 – 2020. godina

Član 1.

U Odluci o obrazovanju Kolegija Općinskog vijeća Visoko saziva 2016 - 2020. godina („Službeni glasnik Općine Visoko“, broj: 07/16, 9/17, 10/17, 2/19 i 5/19), u članu 1. stav 1. briše se tačka 9. a dosadašnja tačka 10. postaje tačke 9.

Član 2.

Ova Odluka stupa na snagu osmog dana od dana objavljivanja u „Službenom glasniku Grada Visoko“.

Broj: 01/1-02-50/19
Datum:26.07.2019.
Visoko

PREDSJEDAVAJUĆI
Gradskog vijeća Visoko
Bajro Fejzić, prof, s.r

22.

Na osnovu člana 10. Privremene statutarne odluke Grada Visoko („Službeni glasnik općine Visoko“, broj: 05/19), člana 2. Odluke o određivanju predstavnika Općine Visoko u Skupštine javnih preduzeća Općine Visoko („Službeni glasnik Općine Visoko“, broj: 05/18) i člana 6. Odluke o smanjenju broja članova Društva, promjeni naziva firme, promjeni sjedišta i proširenju djelatnosti Društva za gasifikaciju, distribuciju i promet gasa i

opreme “Visokogas” d.o.o. Visoko (“Službeni glasnik Općine Visoko”, broj: 10/13), Gradsko vijeće Visoko, na 2. sjednici, održanoj 26.07.2019. godine, donijelo je:

ZAKLJUČAK

o davanju ovlaštenja predstavniku Grada Visoko u Skupštini JP “Visoko Ekoenergija” d.o.o. Visoko za razrješenje člana Nadzornog odbora JP “Visoko Ekoenergija” d.o.o. Visoko i imenovanje na kraći period

I

Gradsko vijeće Visoko ovlašćuje predstavnika Grada Visoko u Skupštini JP “Visoko Ekoenergija” d.o.o. Visoko da razriješi predsjednika Nadzornog odbora JP “Visoko Ekoenergija” d.o.o. Visoko, Anesa Pajevića.

II

Gradsko vijeće Visoko ovlašćuje predstavnika Grada Visoko u Skupštini JP “Visoko Ekoenergija” d.o.o. Visoko da izvrši imenovanje Almira Osmanbegovića za člana Nadzornog odbora JP “Visoko Ekoenergija” d.o.o. Visoko na kraći period, do konačnog imenovanja člana Nadzornog odbora JP “Visoko Ekoenergija” d.o.o. Visoko.

III

Gradsko vijeće Visoko nalaže predstavniku Grada Visoko u Skupštini JP “Visoko Ekoenergija” d.o.o. Visoko u roku od 7 dana od dana donošenja ovog zaključka, na osnovu ovlaštenja datih u tačkama I i II ovog zaključka donese potrebne odluke.

IV

Gradsko vijeće Visoko ovlašćuje Gradonačelnicu Visoko da u skladu sa Zakonom o ministarskim, vladinim i drugim imenovanjima Federacije Bosne i Hercegovine provede postupak i Gradskom vijeće Visoko dostavi prijedlog konačnog imenovanja člana Nadzornog odbora JP “Visoko Ekoenergija” d.o.o. Visoko.

V

Ovaj zaključak stupa na snagu danom donošenja i objavit će se u “Službenom glasniku Grada Visoko”

Broj: 01/1-02-51/19

Datum: 26.07.2019.

Visoko

PREDSJEDAVAJUĆI

Gradskog vijeća Visoko

Bajro Fejzić, prof, s.r

23.

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj 12/03, 34/03 i 65/13), člana 10. Privremene statutarne odluke Grada Visoko („Službeni glasnik općine Visoko“, broj: 05/19), Gradsko vijeće Visoko, na 2. sjednici, održanoj 26.07.2019. godine, donijelo je

ZAKLJUČAK

o utvrđivanju i oglašavanju pozicija za člana nadzornog odbora JP „Visoko Ekoenergija“ d.o.o. Visoko

I

U skladu sa Zakonom o ministarskim, vladinim i drugim imenovanjima Federacije Bosne i Hercegovine („Službene noine FBiH“, broj 12/03, 34/03 i 65/13) utvrđuju se upražnjene pozicije u nadzornim

odborima javnih preduzeća općine Visoko, kako slijedi:

Nadzorni odbor JP „Visoko Ekoenergija“ d.o.o. Visoko 1 član

II

Gradsko vijeće Visoko daje ovlaštenje Gradonačelnici Visoko da u ime Osnivača javnih preduzeća Grada Visoko, provede otvoreni postupak izbora člana nadzornog odbora JP „Visoko Ekoenergija“ d.o.o. Visoko i u skladu sa Zakonom o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13), Općinskom vijeću Visoko predloži imenovanje člana nadzornog odbora.

III

Utvrđuje se potreba raspisivanja oglasa za popunu pozicije člana u nadzornom odboru JP „Visoko Ekoenergija“ d.o.o. Visoko iz tačke I ovog Zaključka.

Oglas za popunu pozicija iz tačke I ovog Zaključka objavit će se u:

- a) Službenim novinama Federacije Bosne i Hercegovine,
- b) Dnevnim novinama Oslobođenje,
- c) Web stranici Grada Visoko, www.visoko.gov.ba.

IV

Krajnji rok za podnošenje prijava na upražnjenu poziciju je 15 dana od dana objavljivanja, računajući od datuma objave oglasa u glasilu koje kasnije objavi oglas.

V

Za provođenje ovog zaključka zadužuje se Gradonačelnica Visoko i Služba za poslove Gradonačelnice/Gradonačelnika i Gradskog vijeća Visoko.

VI

Zaključak stupa na snagu danom donošenja i objaviće se u „Službenom glasniku Grada Visoko“.

Broj: 01/1-02-52/19

Datum: 26.07.2019.

Visoko

PREDSJEDAVAJUĆI

Gradskog vijeća Visoko

Bajro Fejzić, prof, s.r

24.

Na osnovu člana 7. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13), i člana 10. Privremene statutarne odluke Grada Visoko („Službeni glasnik općine Visoko“, broj: 05/19), Gradsko vijeće Visoko, na 2. sjednici, održanoj 26.07.2019. godine, donijelo je

ZAKLJUČAK

o standardima i kriterijima za imenovanje člana Nadzornog odbora JP „Visoko Ekoenergija“ d.o.o. Visoko

I

Ovim zaključkom utvrđuju se standardi i kriteriji za imenovanje na poziciju člana Nadzornog odbora JP „Visoko Ekoenergija“ d.o.o. Visoko

Nadzorni odbor JP „Visoko Ekoenergija“ d.o.o. Visoko 1 član

Mandat člana nadzornog odbora je za period od 4 godine, odnosno do isteka mandata članova Nadzornog odbora imenovanih 01.11.2017. godine.

II

Kandidat za imenovanja na poziciju člana nadzornog odbora JP „Visoko Ekoenergija“ d.o.o. Visoko treba da ispunjavaju opće i posebne uslove za imenovanje koji su utvrđeni ovim zaključkom.

Opći uslovi za imenovanje su:

1. da je državljanin Bosne i Hercegovine,
2. da je stariji od 18 godina,
3. da nije otpušten iz državne službe kao rezultat disciplinske mjere (bilo na nivou države ili entiteta) u periodu od tri godine prije dana objavljivanja upražnjene pozicije,
4. da nije pod optužnicom Međunarodnog suda za ratne zločine u bivšoj Jugoslaviji (član IX.1.Ustava Bosne i Hercegovine),
5. da nije u funkciji u političkoj stranci u smisli člana 5. Zakona o ministarskim, vladinim i drugim imenovanjima Federacije BiH („Službene novine FBiH“: broj:12/03, 34/03 i 65/13),
6. da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji BiH („Službeni glasnik BiH“, broj 70/08),
7. da nije član nadzornog ili upravnog odbora u više od jednog privrednog društva ili institucije ili ukoliko jeste kandidat će dostaviti ovjerenu izjavu da će po konačnom imenovanju odstupiti sa jedne pozicije u roku od tri (3) dana od dana imenovanja,
8. da nema privatni finansijski interes u u javnom preduzeću za koje se kandiduje

9. da nije osuđivan za krivično djelo i za privredni prestup nespojiv s dužnošću u nadzornom odboru u koji se kandiduje, pet godina od dana pravosnažnosti presude, isključujući vrijeme zatvorske kazne,
10. da nije lice kojem je pravosnažnom presudom suda zabranjeno obavljanje aktivnosti u nadležnosti nadzornog odbora,
11. da nije osoba starija od 65 godina na dan imenovanja.

Posebni uslovi za imenovanje su:

1. da ima visoku stručnu spremu VII stepena, odnosno visoko obrazvanje prvog, drugog ili trećeg ciklusa studija po bolonjskom sistemu studiranja,
2. da ima najmanje 3 godine radnog staža nakon sticanja zvanja sa VSS,
3. da nije na poziciji direktora ili člana uprave javnog preduzeća u okviru kojeg se kandiduje, ili drugog privrednog društva ili institucije sa većinskim državnim kapitalom
4. da posjeduje stručno znanje iz oblasti društvenih ili tehničkih nauka vezanih za oblast privrede,
5. da posjeduje znanje iz oblasti rada i organizacije preduzeća,
6. da posjeduje sposobnost za savjesno, odlučno i odgovorno obavljanje upražnjene pozicije,
7. da posjeduje sposobnost nepristrasnog donošenja odluka,
8. da posjeduje komunikacijske i organizacijske sposobnosti,
9. da posjeduje sposobnost upravljanja finansijskim i ljudskim resursima i naklonjenost timskom radu, rezultati rada ostvareni tokom poslovne karijere.

IV

Na osnovu ovog zaključka, Gradonačelnica Visoko će imenovati Komisiju za izbor i provesti postupak u skladu sa Zakonom o ministarskim, vladinim i drugim imenovanjima u Federaciji BiH, te Gradskom vijeću Visoko predložiti imenovanje člana Nadzornog odbora JP “Visoko Ekoenergija” d.o.o. Visoko.

V

Ovaj zaključak stupa na snagu danom donošenja, a objavit će se u „Službenom glasniku Grada Visoko“.

Broj: 01/1-02-53/19
Datum: 26.07.2019.
Visoko

PREDSJEDAVAJUĆI
Gradskog vijeća Visoko
Bajro Fejzić, prof, s.r

25.

Na osnovu člana 10. Privremene statutarne odluke Grada Visoko („Službeni glasnik općine Visoko“, broj: 05/19), člana 2. Odluke o određivanju predstavnika Općine Visoko u Skupštine javnih preduzeća Općine Visoko (“Službeni glasnik Općine Visoko”, broj: 05/18) i člana 5. Odluke o promjeni naziva firme, sjedišta i proširenja djelatnosti JKP “Visočica” d.o.o. Visoko (“Službeni glasnik Općine Visoko”, broj: 02/14), Gradsko vijeće Visoko, na 2. sjednici, održanoj 26.07.2019. godine, donijelo je

ZAKLJUČAK

**o davanju ovlaštenja predstavniku
Grada Visoko u Skupštini JKP “Visoko”
d.o.o. Visoko za razrješenje člana
Nadzornog odbora JKP “Visoko” d.o.o.
Visoko i imenovanje na kraći period**

I

Gradsko vijeće Visoko ovlašćuje predstavnika Grada Visoko u Skupštini JP “Visoko” d.o.o. Visoko da razriješi člana Nadzornog odbora JKP “Visoko” d.o.o. Visoko, Emira Fejzovića, na lični zahtjev.

II

Gradsko vijeće Visoko ovlašćuje predstavnika Grada Visoko u Skupštini JKP “Visoko” d.o.o. Visoko da izvrši imenovanje Nidžare Hadžiomerović za člana Nadzornog odbora JKP “Visoko” d.o.o. Visoko na kraći period, do konačnog imenovanja člana Nadzornog odbora JKP “Visoko” d.o.o. Visoko.

III

Gradsko vijeće Visoko nalaže predstavniku Grada Visoko u Skupštini JKP “Visoko” d.o.o. Visoko da najkasnije, u roku od 7 dana od dana donošenja ovog Zaključka, na osnovu ovlaštenja datih u tačkama I i II ovog zaključka donese potrebne odluke.

IV

Gradsko vijeće ovlašćuje Gradonačelnicu Visoko da u skladu sa Zakonom o ministarskim, vladinim i drugim imenovanjima Federacije Bosne i Hercegovine provede postupak i Gradskom vijeću Visoko dostavi prijedlog konačnog imenovanja člana Nadzornog odbora JKP “Visoko” d.o.o. Visoko.

V

Ovaj zaključak stupa na snagu danom donošenja i objavit će se u “Službenom glasniku Grada Visoko”

Broj: 01/1-02-54/19
Datum: 26.07.2019.
Visoko

PREDSJEDAVAJUĆI
Gradskog vijeća Visoko
Bajro Fejzić, prof, s.r

26.

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj 12/03, 34/03 i 65/13) i člana 10. Privremene statutarne odluke Grada Visoko („Službeni glasnik općine Visoko“, broj: 05/19), Gradsko vijeće Visoko, na 2. sjednici, održanoj 26.07.2019. godine, donijelo je

ZAKLJUČAK**o utvrđivanju i oglašavanju pozicija za člana nadzornog odbora JKP „Visoko“ d.o.o. Visoko****I**

U skladu sa Zakonom o ministarskim, vladinim i drugim imenovanjima Federacije Bosne i Hercegovine („Službene noine FBiH“, broj 12/03, 34/03 i 65/13) utvrđuju se upražnjene pozicije u nadzornim odborima javnih preduzeća Grada Visoko, kako slijedi:

Nadzorni odbor JKP „Visoko“ d.o.o. Visoko**1 član****II**

Gradsko vijeće Visoko daje ovlaštenje Gradonačelnici Visoko da u ime Osnivača javnih preduzeća Grada Visoko, provede otvoreni postupak izbora člana nadzornog odbora JKP „Visoko“ d.o.o. Visoko i u skladu sa Zakonom o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13) i Gradskom vijeću Visoko predloži imenovanje člana nadzornog odbora.

III

Utvrđuje se potreba raspisivanja oglasa za popunu pozicije člana u nadzornom odboru JKP „Visoko“ d.o.o. Visoko iz tačke I ovog Zaključka.

Oglas za popunu pozicija iz tačke I ovog Zaključka objavit će se u:

- a) Službenim novinama Federacije Bosne i Hercegovine,
- b) Dnevnim novinama Oslobođenje,
- c) Web stranici Grada Visoko, www.visoko.gov.ba.

IV

Krajnji rok za podnošenje prijave na upražnjenu poziciju je 15 dana od dana objavljivanja, računajući od datuma objave oglasa u glasilu koje kasnije objavi oglas.

V

Za provođenje ovog zaključka zadužuje se Gradonačelnica Visoko i Služba za poslove Gradonačelnice / Gradonačelnika i Gradskog vijeća Visoko.

VI

Zaključak stupa na snagu danom donošenja i objaviće se u „Službenom glasniku Grada Visoko“.

Broj: 01/1-02-55/19
Datum: 26.07.2019.
Visoko

PREDSJEDAVAJUĆI
Gradskog vijeća Visoko
Bajro Fejzić, prof, s.r

27.

Na osnovu člana 7. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13), i člana

10. Privremene statutarne odluke Grada Visoko („Službeni glasnik općine Visoko“, broj: 05/19), Gradsko vijeće Visoko, na 2. sjednici, održanoj 26.07.2019. godine, donijelo je

ZAKLJUČAK

o standardima i kriterijima za imenovanje člana Nadzornog odbora JKP „Visoko“ d.o.o. Visoko

I

Ovim zaključkom utvrđuju se standardi i kriteriji za imenovanje na poziciju člana Nadzornog odbora JKP „Visoko“ d.o.o. Visoko

Nadzorni odbor JKP „Visoko“ d.o.o. Visoko 1 član

Mandat člana nadzornog odbora je za period od 4 godine, odnosno do isteka mandata članova Nadzornog odbora imenovanih 01.11.2017. godine.

II

Kandidat za imenovanja na poziciju člana nadzornog odbora JKP „Visoko“ d.o.o. Visoko treba da ispunjavaju opće i posebne uslove za imenovanje koji su utvrđeni ovim zaključkom.

Opći uslovi za imenovanje su:

1. da je državljanin Bosne i Hercegovine
2. da je stariji od 18 godina
3. da nije otpušten iz državne službe kao rezultat disciplinske mjere (bilo na nivou

države ili entiteta) u periodu od tri godine prije dana objavljivanja upražnjene pozicije

4. da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine)

5. da nije u funkciji u političkoj stranci u smisli člana 5. Zakona o ministarskim, vladinim i drugim imenovanjima Federacije BiH („Službene novine FBiH“: broj:12/03, 34/03 i 65/13)

6. da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji BiH („Službeni glasnik BiH“, broj 70/08)

7. da nije član nadzornog ili upravnog odbora u više od jednog privrednog društva ili institucije ili ukoliko jeste kandidat će dostaviti ovjerenu izjavu da će po konačnom imenovanju odstupiti sa jedne pozicije u roku od tri (3) dana od dana imenovanja,

8. da nema privatni finansijski interes u u javnom preduzeću za koje se kandiduje

9. da nije osuđivan za krivično djelo i za privredni prestup nespojiv s dužnošću u nadzornom odboru u koji se kandiduje, pet godina od dana pravosnažnosti presude, isključujući vrijeme zatvorske kazne

10. da nije lice kojem je pravosnažnom presudom suda zabranjeno obavljanje aktivnosti u nadležnosti nadzornog odbora,

11. da nije osoba starija od 65 godina na dan imenovanja.

Posebni uslovi za imenovanje su:

1. da ima visoku stručnu spremu VII stepena, odnosno visoko obrazvanje
2. prvog, drugog ili trećeg ciklusa studija po bolonjskom sistemu studiranja,
3. da ima najmanje 3 godine radnog staža nakon sticanja zvanja sa VSS,
4. da nije na poziciji direktora ili člana uprave javnog preduzeća u okviru kojeg se kandiduje, ili drugog privrednog društva ili institucije sa većinskim državnim kapitalom
5. da posjeduje stručno znanje iz oblasti društvenih ili tehničkih nauka vezanih za oblast privrede,
6. da posjeduje znanje iz oblasti rada i organizacije preduzeća,
7. da posjeduje sposobnost za savjesno, odlučno i odgovorno obavljanje upražnjene pozicije
8. da posjeduje sposobnost nepristrasnog donošenja odluka,
9. da posjeduje komunikacijske i organizacijske sposobnosti,
10. da posjeduje sposobnost upravljanja finansijskim i ljudskim resursima i naklonjenost timskom radu, rezultati rada ostvareni tokom poslovne karijere.

IV

Na osnovu ovog zaključka, Gradonačelnica Visoko će imenovati Komisiju za izbor i provesti postupak u skladu sa Zakonom o ministarskim, vladinim i drugim imenovanjima u Federaciji BiH, te Gradskom vijeću predložiti imenovanje

člana Nadzornog odbora JKP “Visoko” d.o.o. Visoko.

V

Ovaj zaključak stupa na snagu danom donošenja, a objavit će se u „Službenom glasniku Grada Visoko“.

Broj: 01/1-02-56/19

Datum: 26.07.2019.

Visoko

PREDSJEDAVAJUĆI

Gradskog vijeća Visoko

Bajro Fejzić, prof, s.r

28.

Na osnovu člana 2. stav 1. Pravilnika o načinu pregleda umrlih, te utvrđivanja vremena i uzroka smrti („Sl. novine FBiH“, broj: 79/13 i 9/14), člana 3. Odluke o utvrđivanju organizacije i rada mrtvozorničke službe kojom se osigurava pregled, utvrđivanje vremena i uzroka smrti osoba umrlih izvan zdravstvene ustanove na području Zeničko-dobojskog kantona („Sl. novine Zeničko-dobojskog kantona“, broj: 8/18 i 4/19) i člana 200. Zakona o upravnom postupku („Sl. novine FBiH“, broj: 2/98 i 48/99), rješavajući po službenoj dužnosti, u predmetu usklađivanja rješenja kojim su imenovani mrtvozornici za područje Općine Visoko, Ministarstvo zdravstva Zeničko-dobojskog kantona donosi

RJEŠENJE**o imenovanju mrtvozornika****I**

Imenuju se mrtvozornici, odnosno ovlašteni doktori medicine za obavljanje pregleda umrlih, te utvrđivanje uzroka smrti osoba umrlih izvan zdravstvene ustanove na području Općine Visoko, na period od 4 (četiri) godine:

1. dr Mirsada Pašić, spec. urgentne medicine,
2. dr Subhija Pajević,
3. dr Amela Dinar-Mostić,

II

Imenovani mrtvozornik dr Amela Dinar-Mostić, obavezna je izvršiti edukaciju koja se odnosi na mrtvozorništvo, na prvoj narednoj edukaciji za mrtvozorništvo koju organizuje Institut za zdravlje i sigurnost hrane Zenica.

Ukoliko ne izvrši edukaciju iz stava 1. ove tačke, u skladu sa članom 15. stav (2) Odluke o utvrđivanju organizacije i rada mrtvozorničke službe kojom se osigurava pregled, utvrđivanje vremena i uzroka smrti osoba umrlih izvan zdravstvene ustanove na području Zeničko-dobojskog kantona, Ministarstvo zdravstva će po službenoj dužnosti izvršiti brisanje imenovanog mrtvozornika iz evidencije mrtvozornika.

III

Zadatak mrtvozornika je da na području Općine Visoko vrše pregled umrlih osoba u cilju utvrđivanja nastupa, vremena i uzroka smrti i utvrđivanja okolnosti pod kojim je smrt nastupila.

IV

U postupku pregleda umrlih i utvrđivanju vremena i uzroka smrti mrtvozornici su dužni zadatke iz tačke III ovog rješenja obavljati po postupku i na način propisan Pravilnikom o načinu pregleda umrlih, te utvrđivanja vremena i uzroka smrti.

V

Mrtvozornici imaju pravo na naknadu za pregled umrlih osoba i pravo na naknadu

putnih troškova u iznosu utvrđenom Odlukom o visini naknade i troškova prevoza mrtvozornika za obavljanje pregleda, utvrđivanje vremena i uzroka smrti osoba umrlih izvan zdravstvene ustanove na području Zeničko-dobojskog kantona („Sl. novine Zeničko-dobojskog kantona“, broj: 8/18).

VI

Ovim rješenjem stavlja se van snage rješenje Ministarstva zdravstva broj: 11-37-8067/16 od 05.04.2016. godine.

VII

Ovo rješenje stupa na snagu danom donošenja i objavit će se u „Službenom glasniku Općine Visoko“.

Broj: 11-37-18292-1/18
Datum: 20.06.2019.
Zenica

MINISTAR
dr Adnan Jupić

S A D R Ź A J		Strana
I – GRADSKO VIJEĆE VISOKO		
16. Odluka o izgradnji, upravljanju, korištenju, zaštiti i održavanju mjesnih vodovoda na području Grada Visoko		01
17. Odluka o dodjeli javnog priznanja Povelja Grada Visoko za 2019.godinu		11
18. Odluka o dodjeli javnog priznanja Povelja Grada Visoko za 2019.godinu		11
19. Odluka o dodjeli javnog priznanja Povelja Grada Visoko za životno djelo za 2019.godinu		12
20. Odluka o dodjeli javnog priznanja Povelje Grada Visoko za životno djelo za 2019.godinu		12
21. Odluka o izmjenama Odluke o obrazovanju Kolegija Gradskog vijeća Visoko saziva 2016-2020.godina		13
22. Zaključak o davanju ovlaštenja predstavniku Grada Visoko u Skupštini JP "Visoko Ekoenergija" d.o.o. Visoko za razrješenje člana/predsjednika		13
23. Zaključak o utvrđivanju i oglašavanju pozicije za člana Nadzornog odbora JP "Visoko Ekoenergija" d.o.o. Visoko		14
24. Zaključak o standardima i kriterijima za imenovanje člana Nadzornog odbora JP "Visoko Ekoenergija" d.o.o. Visoko		15
25. Zaključak o davanju ovlaštenja predstavniku Grada Visoko u Skupštini JKP "Visoko" d.o.o. Visoko za razrješenje člana Nadzornog odbora JKP "Visoko" d.o.o. Visoko i imenovanje člana Nadzornog odbora JKP "Visoko" d.o.o. na kraći period		17
26. Zaključak o utvrđivanju i oglašavanju pozicije za člana Nadzornog odbora JKP "Visoko" d.o.o. Visoko		18
27. Zaključak o standardima i kriterijima za imenovanje člana Nadzornog odbora JKP "Visoko" d.o.o. Visoko		18
II MINISTARSTVO ZDRAVSTAVA ZENIČKO-DOBOJSKOG KANTONA		
28. Rješenje o imenovanju mrtvozornika za područje Grada Visoko		20

Izdavač: Grad Visoko, ul. Alije Izetbegovića br. 12A, Visoko
Glavni i odgovorni urednik: Zekija Omerbegović, sekretar Gradskog vijeća, **Telefon:** 032/732-502
Štampa: Grafički obrt „REMIX“ Visoko, **Telefon:** +387 32 746 038, **Mob:** +387 61 780 698